



18. november 2013

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqutit qinersisarnermut allanullu tunngasut:

1. 2013-mi Inatsisartunut qinersinermi erseqqissaavigineqarpunga, Thule Airbasemi qineqqusaarneq inerteqqutaasoq, ilisimasakka naapertorlugit Kalaallit Nunaanni qinersinnaasut 200-t missaaniittut tassani najugaqarput. Isumaga naapertorlugu taamna IPU-p isumaqatigiissutaani immikkoortoq 3.3-mik unioqqutitsineruvoq "Declaration on Criteria for Free and Fair Elections", tassani pineqarpoq kinaluunniit qineqqusaartilluni nunami sumiluunniit angalaarsinnaanera. Naalakkersuisut isummamut tassunga isumaqataappat aamma tamanna tunngavigalugu periarfissaq siulleq atorlugu amerikami oqartussaasut ajornartorsiut tamanna pillugu oqaloqateqalersaarpat?

2. Demokraatini ajornartorsiutitut isigaarput, qinersinerup inerniviisa sukumiilluinnartumik tamanut saqqummiunneqartarnerat. Assersuutigalugu www.valg.gl-mi takuneqarsinnaavoq, 2013-mi Inatsisartunut qinersigatta Igalikumi qinersinerit 17-t qinigassanngortittunut qanoq agguarneqarsimanersut. Uangut isumarput naapertorlugu tamanna i IPU-mi "Declaration on Criteria for Free and Fair Elections"-mi immikkoortoq 2.7-mut taamatullu immikkoortoq 4.5-mut akerliuvoq, taakkunanni pineqarmata isertortumik taasinerit. Taasineq isertortumik taasinerit taaneqarsinnaanngilaq, naatsorsorneqarsinnaappat, kina qanoq taasisimanersoq. Naalakkersuisut taama isumaqarnermut isumaqataanerlutik aamma tamanna tunngavigalugu sulissutigineqarusunnerluni, inernerit poortornerularlugit nalunaarutigineqartalissasut naatsorsorneqarsinnaajunnaarlugu qinersivinni mikisuni kina qanoq taasisimanersoq?

3. Inatsisartunut allanullu qinersinitsinni ileqquvoq, inoqarfinni ataasiakkaani najugallit qinersivimmi ataatsimi qinersinneqartarnerat. Ullormi qinersivimmi qinersiviit pallitassaanningajattarput qineqqusaartut partiineersut qineqqusaartarnerat pissutaalluni. Tamanna inuit ilaanni demokrati naapertorlugu pisussaaffimmik naammassinnittaaliuinerit isigineqarsinnaavoq. Aamma qunusiarinninnertut isigineqarsinnaavoq taamaattumikllu IPU-mi "Declaration on Criteria for Free and Fair Elections" immikkoortoq 4.5-mut akerliusutut isigineqarsinnaalluni. Naalakkersuisut taama isumaqarnermut isumaqataanerlutik aamma tamanna tunngavigalugu qinersinermut malittarisassat allanngortinnissat sulissutigineqarusussanerluni, ullormi qinersivimmi qineqqusaarnerit inerteqqutaalersillugit imaluunniit qineqqusaarnerit qinersivimmiit avinngarusimasumut inissinneqatalersillugit, qineqqusaartunit uneqattaartinneqarani qinersivinnut ingerlasoqarsinnaanngortillugu?

(Inatsisartunut ilaasortaq Michael Rosing, Demokraatit)

Tunngavilersuut:



Kalaallit Nunaat sorpassuartigut siuttuuvoq, nunap immikkoortui namminersortut eqqarsaatigalugit. Taamaattumik pingaartorujussuuvoq, demokrati tunngavigalugu ingerlatsinitsinni periutsitta apeqquserneqanngisaannarnissaat tassunga ilaatillugu qinikkat ataatsimoorfiinut qinersisarnerit. Demokraatini isumarput naapertorlugu sapinngisannguarput tamaat pineqartumi nunarsuup sinnerani malittarisassat akimanersaat naapertorlugit ingerlatsisariaqarpugut.

Nunarsuup sinnerani ataqqineqartumi kattuffiup Inter-Parliamentary Unionip (IPU) "Declaration on Criteria for Free and Fair Elections" –imi tunngaviit arlallit aalajangersarneqarnikuupput naammassineqartussat, qinersinerit kiffaanggissuseqarluni qinersinertut naapertuilluartutullu isigineqassappata:

<http://www.ipu.org/pdf/publications/free&fair06-e.pdf>

Uani immikkut sammissavakka allanneqrsimasut ukuusut:

2. Voting and Elections Rights

(7) The right to vote in secret is absolute and shall not be restricted in any manner whatsoever.

3. Candidature, Party and Campaign Rights and Responsibilities

(3) Everyone individually and together with others has the right:

- To express political opinions without interference;
- To seek, receive and impart information and to make an informed choice;
- To move freely within the country in order to campaign for election;
- To campaign on an equal basis with other political parties, including the party forming the existing government.

4. The Rights and Responsibilities of States

(5) States should take all necessary and appropriate measures to ensure that the principle of the secret ballot is respected, and that voters are able to cast their ballots freely, without fear or intimidation.

Apeqquutit akeqquneqarput tiguneraniit ullut suliffiit naliginnaat qulit iluanni.